

ADVISORY



UNDANG-UNDANG MALAYSIA

Akta 300

AKTA PEMBAHAGIAN 1958

(Disemak—1983)

Teks ini HANYALAH TERJEMAHAN oleh Jabatan Peguam Negara, Kuala Lumpur, bagi *Distribution Act 1958* sebagaimana disemak dalam tahun 1983. Melainkan dan sehingga ditetapkan sebagai sah di bawah seksyen 7 (1) Akta Bahasa Kebangsaan 1963/67 (Akta 32), ia bukannya perundangan.

Disemak hingga 10hb Oktober 1983

Tarikh ditetapkan untuk mula
berkuatkuasa 19hb Januari 1984

Tarikh disiarkan dalam *Warta* 29hb Disember 1983

Dikanunkan dalam tahun 1958 sebagai Ordinan P.T.M. No. 1
Tahun 1958.

UNDANG-UNDANG MALAYSIA**Akta 300****AKTA PEMBAHAGIAN 1958****(Disemak—1983)****SUSUNAN SEKSYEN****Seksyen**

1. Tajuk ringkas dan pemakaian.
2. Pemakaian.
3. Tafsiran.
4. Undang-undang yang mengawalselia pembahagian.
5. Orang-orang yang dianggap bersaudara secara sama dengan si mati.
6. Pewarisan terhadap harta pusaka tak berwasiat.
7. Amanah untuk zuriat dan lain-lain kelas saudara-mara si mati tak berwasiat.
8. Pemakaian dalam hal kematian tak berwasiat separa.
9. Pendahuluan untuk anak-anak tidak boleh diambil kira.
10. Pemansuhan.

JADUAL.

000 ATIA
PEMBAHAGIAN

5

UNDANG-UNDANG MALAYSIA

Akta 300

AKTA PEMBAHAGIAN 1958

(Disemak—1983)

Suatu Akta berhubungan dengan undang-undang pembahagian harta pusaka tak berwasiat.

[1hb Mei 1958.] P.U. 133/58.

1. (1) Akta ini bolehlah dinamakan Akta Pembahagian 1958. Tajuk ringkas dan pemakaian.

(2) Akta ini terpakai bagi Malaysia Barat sahaja.

2. Tiada apa-apa jua dalam Akta ini terpakai bagi harta pusaka seseorang yang menganuti agama Islam atau boleh menjejaskan mana-mana kaedah-kaedah undang-undang Islam sebagaimana diubah oleh adat tempatan mengenai pembahagian harta pusaka seseorang sedemikian dan Akta ini juga tidak terpakai bagi mana-mana harta pusaka, di mana pembahagiannya ditentukan di bawah Ordinan Pewarisan Tak Berwasiat Parsee bagi Negeri-Negeri Selat. Pemakaian. N.S. Bab 54.

3. Dalam Akta ini, melainkan jika konteksnya menghendaki makna yang lain— Tafsiran.

“anak” ertinya seorang anak sah taraf dan jika si mati dibenarkan oleh undang-undang dirinya mempunyai ramai isteri termasuk seorang anak oleh mana-mana isteri sedemikian, tetapi tidak termasuk seorang anak angkat selain daripada seorang anak yang diangkat di bawah peruntukan-peruntukan Akta Pengangkatan 1952; Akta 257.

“Malaysia Barat” mempunyai erti yang diberikan kepadanya di dalam seksyen 3 Akta Tafsiran 1967, dan termasuk Wilayah Persekutuan; 23/67.

“si mati tak berwasiat” termasuk seseorang yang meninggalkan wasiat tetapi mati tak berwasiat mengenai apa-apa kepentingan benefisial dalam hartanya;

“zuriat” termasuk anak-anak dan keturunan anak-anak yang telah mati.

Undang-undang yang mengawalselia pembahagian.

4. (1) Pembahagian harta alih seseorang yang mati hendaklah dikawalselia oleh undang-undang negeri di mana dia berdomisil pada masa kematiannya.

(2) Pembahagian harta tak alih seseorang yang mati tak berwasiat hendaklah dikawalselia oleh Akta ini di mana jua dia berdomisil pada masa kematiannya.

Orang-orang yang dianggap bersaudara secara sama dengan si mati.

5. Bagi maksud pembahagian di bawah Akta ini, maka tidaklah ada perbezaan di antara mereka yang bersaudara dengan orang yang mati kerana pertalian dengan bapanya atau mereka yang bersaudara dengannya kerana pertalian dengan emaknya, mahupun juga antara mereka yang bersaudara dengannya kerana pertalian kedua ibu bapa yang sama dan mereka yang bersaudara dengannya kerana pertalian ibu atau bapa yang sama, mahupun juga antara mereka yang sebenarnya lahir semasa hayatnya dan mereka yang pada tarikh kematiannya hanyalah dikandung tetapi yang kemudiannya dilahir hidup.

Pewarisan terhadap harta pusaka tak berwasiat.

6. (1) Selepas mula berkuatkuasanya Akta ini, jika seseorang itu mati tak berwasiat mengenai sesuatu harta yang dia adalah berhak secara benefisial bagi suatu kepentingan yang tidak terhenti atas kematiannya, harta sedemikian atau hasil daripadanya selepas dibayar daripadanya perbelanjaan bagi pentadbiran wajar, tertakluk kepada peruntukan-peruntukan seksyen 4, hendaklah dibahagikan mengikut cara atau dipegang atas amanah yang disebutkan di dalam seksyen ini, iaitu—

(i) Jika seorang perempuan mati tak berwasiat dengan meninggalkan seorang suami, kesemua harta pusakanya hendaklah diberikan kepadanya.

- (ii) Jika seorang lelaki mati tak berwasiat dengan meninggalkan seorang isteri dan zuriat, isteri yang menakat adalah berhak kepada satu pertiga daripada harta pusakanya: tetapi jika dia meninggalkan seorang isteri dan tiada zuriat, isteri yang menakat adalah berhak kepada setengah daripada harta pusaka itu.
- (iii) Tertakluk kepada hak-hak seorang suami atau isteri yang menakat harta pusaka si mati tak berwasiat yang meninggalkan zuriat hendaklah dipegang atas amanah sebagaimana dinyatakan dalam seksyen 7 bagi zuriat itu.
- (iv) Jika si mati tak berwasiat tidak meninggalkan zuriat, maka, tertakluk kepada hak-hak seorang suami atau isteri yang menakat, harta pusaka itu hendaklah dipegang atas amanah bagi orang-orang yang berikutnya yang hidup pada masa kematian si mati tak berwasiat dan mengikut susunan dan cara yang berikut, iaitu—

Pertama, bagi ibu bapa si mati tak berwasiat dalam bahagian yang sama banyak secara mutlak atau jika hanya seorang sahaja kepada ibu atau bapa secara mutlak; tetapi jika tiada ibu bapa yang menakat, maka

Kedua, atas amanah yang dibentangkan dalam seksyen 7 bagi adik-beradik lelaki dan perempuan si mati tak berwasiat; tetapi jika tiada seseorang pun mendapat kepentingan yang terletakhak secara mutlak di bawah amanah sedemikian, maka

Ketiga, bagi datuk-nenek si mati tak berwasiat, dan jika lebih daripada seorang menakat si mati tak berwasiat dalam bahagian yang sama banyak secara mutlak; tetapi jika tiada datuk-nenek yang menakat, maka

Keempat, bagi isteri yang menakat si mati tak berwasiat secara mutlak; tetapi jika tiada orang sedemikian, maka

Kelima, atas amanah yang dinyatakan dalam seksyen 7 bagi bapa dan ibu saudara si mati tak berwasiat; tetapi jika tiada seorang pun mendapat kepentingan yang terletakhak secara mutlak di bawah amanah sedemikian, maka

Keenam, bagi moyang-moyang si mati tak berwasiat dan jika lebih daripada seorang menakat si mati tak berwasiat dalam bahagian yang sama banyak secara mutlak; tetapi jika tiada moyang-moyang sedemikian yang menakat, maka

Ketujuh, atas amanah yang dinyatakan dalam seksyen 7 bagi moyang saudara si mati tak berwasiat.

- (v) Jika tidak ada seseorang mendapat suatu kepentingan mutlak di bawah peruntukan-peruntukan terdahulu Kerajaan adalah berhak kepada keseluruhan harta pusaka itu kecuali setakat mana ianya terdiri daripada tanah.

(2) Jika seseorang yang mati tak berwasiat dibenarkan oleh undang-undang dirinya mempunyai ramai isteri dan lebih daripada seorang isteri menakatnya, isteri-isteri sedemikian hendaklah berkongsi sama banyak di antara mereka bahagian yang isteri si mati tak berwasiat mungkin akan berhak kepada, jika si mati tak berwasiat meninggalkan hanya seorang isteri menakatnya.

(3) Jika si mati tak berwasiat dan suami atau isteri si mati tak berwasiat telah mati dalam keadaan yang menyebabkannya tidak pasti yang mana di antara mereka yang telah menakat pihak yang satu lagi, seksyen ini hendaklah, walau apa pun kaedah undang-undang yang berlawanan, berkuatkuasa berkenaan dengan si mati tak berwasiat seolah-olah suami atau isteri itu telah tidak menakat si mati tak berwasiat.

7. (1) Jika di bawah peruntukan-peruntukan seksyen 6, harta pusaka seseorang si mati tak berwasiat atau mana-mana bahagian daripadanya diarahkan supaya dipegang atas amanah yang dinyatakan dalam seksyen ini untuk zuriat si mati tak berwasiat, harta pusaka itu hendaklah dipegang atas amanah dalam bahagian yang sama banyak jika lebih daripada satu bagi semua atau mana-mana anak si mati tak berwasiat yang masih hidup pada masa kematian si mati tak berwasiat itu, yang mencapai umur dewasa atau berkahwin di bawah umur tersebut, dan untuk semua atau mana-mana zuriat yang masih hidup pada masa kematian si mati tak berwasiat, yang mencapai umur dewasa atau yang berkahwin di bawah umur tersebut, seseorang anak si mati tak berwasiat yang meninggal sebelum si mati tak berwasiat, zuriat sedemikian hendaklah mengambil melalui semua peringkat menurut stok-stok mereka, dalam bahagian yang sama banyak jika lebih daripada seorang, bahagian yang mana ibu bapa mereka akan ambil jika masih hidup pada masa kematian si mati tak berwasiat, dan supaya tiada zuriat akan mengambil jika ibu bapanya masih hidup pada masa kematian si mati tak berwasiat dan berkeupayaan untuk mengambil bahagiannya.

Amanah
untuk zuriat
dan lain-
lain kelas
saudara-mara
si mati
tak berwasiat.
[Gan. Akta
A281.]

(2) Jika di bawah peruntukan-peruntukan seksyen 6, harta pusaka seseorang si mati tak berwasiat atau mana-mana bahagian daripadanya diarahkan supaya dipegang atas amanah yang dinyatakan dalam seksyen ini untuk sesuatu kelas saudara-mara si mati selain daripada zuriat si mati tak berwasiat, harta pusaka itu hendaklah dipegang atas amanah bersamaan dengan amanah yang dinyatakan dalam subseksyen (1) seksyen ini untuk zuriat si mati tak berwasiat seolah-olah amanah sedemikian diulangi dengan menggantikan sebutan mengenai anggota-anggota atau anggota kelas itu bagi sebutan mengenai anak-anak atau anak si mati tak berwasiat.

(3) Jika amanah untuk zuriat si mati tak berwasiat gagal oleh sebab tiadanya anak atau zuriat lain yang mendapat kepentingan terletakhak secara mutlak, harta pusaka si mati tak berwasiat dan pendapatan

daripadanya dan semua pengumpulan, jika ada, pendapatan daripadanya atau mana-mana bahagian daripadanya yang mungkin belum dibayar atau dipakai di bawah apa-apa kuasa yang melibatkan harta pusaka itu, hendaklah diberikan, diturunkan dan dipegang di bawah peruntukan-peruntukan Akta ini seolah-olah si mati tak berwasiat telah mati tanpa meninggalkan zuriat yang masih hidup pada masa kematian si mati tak berwasiat, dan dengan itu sebutan-sebutan di bawah seksyen 6 mengenai si mati tak berwasiat "meninggalkan zuriat" dan "tidak meninggalkan zuriat" hendaklah ditafsirkan masing-masingnya sebagai sebutan mengenai si mati tak berwasiat meninggalkan zuriat atau tidak meninggalkan zuriat yang mendapat suatu kepentingan terletaklah secara mutlak.

Pemakaian dalam hal kematian tak berwasiat separa.

8. Jika seseorang itu mati dengan meninggalkan satu wasiat secara benefisial melupuskan sebahagian daripada hartanya, peruntukan-peruntukan Akta ini akan berkuatkuasa berkenaan dengan bahagian hartanya yang tidak dilupuskan sedemikian, tertakluk kepada peruntukan-peruntukan yang terkandung di dalam wasiat itu:

Dengan syarat bahawa wakil diri hendaklah, tertakluk kepada hak dan kuasanya bagi maksud-maksud pentadbiran, menjadi seorang pemegang amanah bagi orang-orang yang berhak di bawah Akta ini berkenaan dengan bahagian harta pusaka yang tidak dilupuskan dengan nyata melainkan ternyata menurut wasiat itu bahawa wakil diri itu berhak mendapat bahagian sedemikian secara benefisial.

Pendahuluan untuk anak-anak tidak boleh diambil kira.

9. Jika bahagian agihan mengenai harta orang mati tak berwasiat dituntut oleh seorang anak atau mana-mana keturunan anak orang sedemikian, tiada wang atau harta lain yang si mati tak berwasiat boleh semasa hidupnya telah membayar, memberi atau menyelesaikan kepada atau bagi pendahuluan untuk anak itu yang olehnya atau oleh keturunannya tuntutan itu dibuat hendaklah diambil kira dalam menaksir bahagian agihan sedemikian.

10. Enakmen-Enakmen yang dinyatakan dalam Jadual Pemansuhan.
kepada Akta ini adalah dimansuhkan.

JADUAL

(Seksyen 10)

N.M.B. Bab 71 Enakmen Pembahagian

Enakmen Johor No. 13 Tahun 1935 Enakmen Pembahagian 1935

Enakmen Kelantan No. 15 Tahun 1930 Enakmen Pembahagian 1930

Enakmen Kedah No. 22 Tahun 1354 Enakmen Pembahagian

[Senarai Pindaan]

12

UNDANG-UNDANG MALAYSIA

Akta 300

AKTA PEMBAHAGIAN 1958

(Disemak—1983)

*Butir-butir di bawah seksyen 7 (ii) dan (iii) Akta
Penyemakan Undang-Undang 1968 (Akta 1)*

SENARAI PINDAAN

Undang-undang yang meminda	Tajuk ringkas	Berkuatkuasa dari
Akta A281 ...	Akta Pembahagian (Pindaan) 1975	28-2-1975

SENARAI UNDANG-UNDANG ATAU BAHAGIANNYA YANG DIGANTI

No.	Tajuk
Ordinan P.T.M. No. 1 ... Tahun 1958	Akta Pembahagian 1958.